

## ҚОРАҚАЛПОҒИСТОН ШАРОИТИДА ЕТИШТИРИЛГАН ШОЛИ НАВЛАРИНИНГ ТЕХНОЛОГИК КЎРСАТКИЧЛАРИ

**Рахат Мирзамуратович Хожанов**

Қорақалпоғистон қишлоқ хўжалиги ва агротехнологиялари институти  
магистранти

**Бектурди Суюнбаевич Турдимуратов**

Қорақалпоғистон қишлоқ хўжалиги ва агротехнологиялари институти  
магистранти

**Узакбай Турдибаевич Байназаров**

Қорақалпоғистон қишлоқ хўжалиги ва агротехнологиялари институти  
магистранти

### АННОТАЦИЯ

Шоли дони бошқа донларга солиштирганда, пишиш даврида ўрим-йифим, ташиб, йифиб олингандан сўнг донга ишлов бериш ва сақлаш даврида ноқулай шароитларга тушганда кўпинча ҳар хил макро ва микрошикастликлар пайдо бўлиши кузатилади, натижада уларнинг технологик кўрсаткичлари айниқса бутун гуруч чиқимини кескин пасайтиб юборади.

**Калит сўзлар:** нав, қурғоқчилик, шишасимон, шўрланиш, ҳашорат, касаллик, ҳосилдорлик.

### ABSTRACT

Compared to other grains, when rice grain is exposed to unfavorable conditions during ripening, harvesting, transportation, post-harvest grain processing and storage period, many different types of macro and micro damages are observed, thus their technological indicators drastically reduce the output of rice.

**Keywords:** variety, drought, vitreous, salinity, pests, disease, fertility.

### КИРИШ

Бугунги кунда бозор иқтисодиёти шароитида янгидан яратилган шоли навлари юқори ҳосил тўплаши билан бир вақтда донининг технологик сифат кўрсаткичлари, озиқ-овқат ва кулинариялик хоссалари жаҳон бозори талаблари мос равишда юқори кўрсаткичларга эга бўлиши лозим.



Қишлоқ хўжалиги йилдан-йилга жадал ривожланиб бормоқда. Бу жараёнда Юртбошимиз раҳбарлигига соҳада бозор реформаларини кенгайтириш натижасида, қайта ишлаш ва экспорт инфратузилмасининг ривожланиб бораётганлиги, соҳанинг давлат томонидан қўллаб-куватланишининг замановий инновацион сув ва ресурсларни тежайдиган технологияларнинг жадал тарзда кириб келаётганлиги, эришилаётган юқори натижаларда асосий ўринни эгалламоқда [1].

Дунё бозорида шолининг энг қимматлиси узун гуручли юқори шишасимонликка эга бўлган навлари ҳисобланади. Бугунги кунда ер ва сув ресурсларининг чекланганлигини ҳисобга олиб, шоличилик самарадорлигини ошириш ҳамда республикада яратилган истиқболли навларнинг биологик ҳусусиятларидан тўлиқ фойдаланишда илм-фан соҳасида ишлаб чиқилган янги самарали агротехнологияларни амалиётга кенг жорий қилиш ҳозирги куннинг долзарб масалалари бири ҳисобланади [4].

Истиқболли шоли навларини қўз билан қўриб баҳолаганда биринчи навбатда қўзга ташланаётган қўрсаткичларга доннинг шакли ва унинг ўлчами киради. Доннинг шакли доннинг узунлининг энига нисбати бўйича ҳисобланади.

Барча давлатларда шоли навлари узун гуручли, ўртача узунликдаги ва калта юмолақ гуручли навлар бўлиб бўлинади. Узун донли сортларда доннинг узунлиги ( $L$ ) энини ( $b$ ) нисбати ( $Lb=3$ ) учдан юқори. Ўртача донли навларда бу қўрсаткич  $2,0 - 2,9$  га teng бўлади, юмолоқ донли навларда  $1,6 - 2,0$  га teng. Шоли доннинг технологик қўрсаткичлари, навдорлик белги бўлиб, уларга доннинг шакли, йириклиги, қобиқлиги, тиник ва шишасимонлиги, синишга мойиллиги, умумий ҳосилнинг (ёрма), шундан бутун гуручининг чиқими бўйича бир-биридан ажralиб туради [2,3].

## АДАБИЁТЛАР ТАҲЛИЛИ ВА МЕТОДОЛОГИЯ

Ерни тайёрлашда - дастлаб майдон бегона ўтлардан тозаланиб, 1 сотих майдонга 180–200 кг (10 сотихга 1,8–2 т) чириган, тоза гўнг солинди. Ер 15–20 см чуқурликда юмшатилиб, йирик кесаклар майдаланди, яхшилаб текислангач пол олинади ва сув бостирилди. Экишдан олдин челлар 4–6 см қалинликда сув билан бостирилади. Қаторлар ораси 15 см, уялар ораси 10 см, ҳар бир уядаги уруғ сони 3–4 та. Экилгандан кейин полдаги сув сатҳи 10–15 кун давомида 5–8, кейинчалик 10–12 см бўлиши керак. Шоли азотли (карбамид, сульфат аммоний), фосфорли (аммофос) ва калийли ўғитлар билан уч марта озиқлантирилади. Вегетация даврида 1

сотихга 0,4 кг (10 сотихга 4 кг) меъёрда биринчи озиқлантириш, кўчат 8–9 та барг чиқарганда 1 сотихга 0,3 кг (10 сотихга 3 кг) меъёрда иккинчи озиқлантириш ва бошоқлаш даврида 1 сотихга 0,3 кг меъёрда учинчи озиқлантириш ўтказилади. Шоли майдони бегона ўтлардан доимий равища тозалаб турилади.

## НАТИЖАЛАР ТАҲЛИЛИ

Тадқиқотлар олиб боришимиздан асосий мақсад, шоли навлари донининг технологик қўрсаткичлари бўйича баҳоланиб таҳлил қилиш ва энг яхши натижага эга бўлган намуналарнинг мослашувчанлиги ўрганиши


Ўрганилган навлар донининг технологик қўрсаткичлари бўйича баҳоланиб таҳлил қилинганимизда энг яхши натижага эга бўлган намуналар бизнинг шароитимизга мослашганлигини қўрсатди.

Олинган маълумотларга қараганда танлаб олинган навлар донининг тиниқлиги ва қобиқлилиги қўрсаткичлари бўйича қониқорли миқдорга эга эканлиги маълум бўлди.

Энг ўта қобиқли шишасимон гуручли навларга Санам, Жайхун, Гулситон навлари киради. Бу қўрсаткич андоза навларда 17 – 19 % оралиғида бўлди. Навлар донининг қобиқлилиги қўрсаткичи қанча юқори бўлса, улардан шунча умумий ёрма чиқими миқдори кам бўлиши илмий жиҳатдан исботланган.

Илмий тадқиқотларда шоли дони қанчалик йирик бўлса, унинг қобиқлилик миқдори шунчалик кам бўлади. Бизнинг тажрибаларимизда ўрганилаётган шоли нав намуналаримизда ҳам шундай қонуният сақланиб қолди. Ўта қобиқли нав намуналарининг умумий ҳосили (ёрмаси) чиқими қалин қобиқли навларга солиштирганда анча кўп бўлди. Доннинг қобиқлилик қўрсаткичи навдорлик белгиси бўлиб, доннинг гул қобиғининг умумий ҳосилининг миқдорига нисбати фоиз ҳисобида аниқланиб ўрганганимизда бу қўрсаткичнинг миқдори 16,0% дан 20% оралиғида бўлди.

Шоли донининг синиш даражасининг миқдори навдорлик белги бўлгани билан бу қўрсаткичга ташқи муҳитнинг ҳамда шолини экиб парваришилаш технологияси катта таъсир қўрсатади. Бу қўрсаткич танлаб ажратиб олинган навларда ҳархил миқдорда бўлиб навдорлик белги эканлиги аниқланди.



**Расм.1. Шоли навларида сифат кўрсаткичларининг таҳлили**

Шоли донининг технологик кўрсаткичлари ичида синиб ёрилиши гуручининг шлифовкаланганда уларнинг эндоспермасининг зичлигининг механик таъсирга чидамлилигини белгиловчи кўрсаткич бўлиб ҳисобланади.

Шоли дони бошқа донларга солиштирганда, пишиш даврида ўрим-йигим, ташиш, йигиб олингандан сўнг донга ишлов бериш ва сақлаш даврида ноқулай шароитларга тушганда кўпинча ҳар хил макро ва микрошикастликлар пайдо бўлиши кузатилади, натижада уларнинг технологик кўрсаткичлари айниқса бутун гуруч чиқимини кескин пасайтиб юборади.

Ўрганилаётган шоли навлари бу кўрсатичнинг миқдорига қараб Оролбўйи худудида қанақа мослашганлигини аниқлашга бўлади. Чунки, бозор иқтисодиёти шароитларида шоли донини қайта ишловчи корхоналар шоли донининг технологик кўрсаткичларига юқори талаб қўймоқда. Айниқса, синиб ёрилиши кам, эндоспемаси тифиз тиник шишасимон гуручли навларни юқори баҳолайди. Сабаби, бундай гуручларнинг кулинариялик баҳоси яхши бўлиб, бир-бири билан ёпишиб қолмайди, яхши бир текис ёйилиш, сув синдириш аҳамиятига эга, тами ва мазаси жуда яхши бўлади. Ўрганилган нав намуналарининг шишасимонлиги 85% дан 100% оралиғида бўлди (расм-1.).

Бизнинг танлаб ажратиб олиб ўрганган навларимизнинг умумий ҳосил чиқими 70% дан 76% оралиғида бўлди. Бу кўрсаткич бўйича энг яхшиси Санам ва Алмаз навларида кузатилди. Нав намуналарини баҳолаганимизда асосий кўрсаткич умумий ҳосил чиқими (ёрма) ва ундан бутун гуруч чиқими бўлиб ҳисобланади.

## ХУЛОСА

Шоли навлари донининг қобиқлилиги, шишасимонлиги, синиб ёриловчанлик кўрсаткичларининг барчаси деярли умумий ҳосил чиқимиға (ёрма), шу жумладан бутун гуруч чиқимиға ўз таъсирини кўрсатиши аниқланди.

Барча технологик кўрсаткичларини ҳисобга олиб қимматли-хўжалик белгилар юқори бўлган нав яратиши мақсадида ушбу нав намуналарини ота-она жуфтларни чатишириш ишларини олиб боришида фойдаланишини тавсия этамиз.

## REFERENCES

1. Özbekiston Respublikasi Vazirlar Mahkamasining 2019-yil 12-dekabrdagi “Sholichilikni rivojlantirishga doir qóshimcha chora-tadbirlar tógrisida”gi 986-sonli qarori.
2. Костылева Л.М., Францева Н.В. Анализ взаимосвязи между признаками, характеризующими технологические свойства зерна и крупы риса. // Вестник аграрной науки Дона. 2(13), 2013, С. 68-73.
3. Плешкова Б.А. Качество рисового зерна. // М. «Колос». 2007. 84 с.
4. Эгамназаров А. Шоли сувни хуш кўради. // Ж. “Ўзбекистон қишлоқ хўжалиги”. Тошкент, 2005. №7.17 б.